



**ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИ
ҚАРОРИ**

**Банк хизматлари истеъмолчилари билан ўзаро муносабатларни
амалга оширишда тижорат банкларининг фаолиятига қўйиладиган минимал талаблар
тўғрисидаги низомга ўзгартериш ва қўшимчалар киритиш ҳакида**

Ўзбекистон Республикасининг “Ўзбекистон Республикасининг Марказий банки тўғрисида”ти
Қонунига мувофиқ Марказий банк бошқаруви қарор қиласди:

1. Ўзбекистон Республикаси Марказий банки бошқарувининг 2018 йил 28 апрелдаги 16/18-сон
қарори (рўйхат рақами 3030, 2018 йил 2 июль) (Ўзбекистон Республикаси қонун хужжатлари тўплами,
2018 й., 27-сон, 553-модда) билан тасдиқланган Банк хизматлари истеъмолчилари билан ўзаро
муносабатларни амалга оширишда тижорат банкларининг фаолиятига қўйиладиган минимал талаблар
тўғрисидаги низомга иловага мувофиқ ўзгартериш ва қўшимчалар киритилсин.

2. Мазкур қарор расмий эълон қилинган кундан эътиборан уч ойдан кейин кучга киради.

Марказий банк раиси



Нурмуратов М. Б.

Тошкент ш..
2021 йил 24 август,
20/7-сон

Ўзбекистон Республикаси
Марказий банки бошқарувининг
2021 йил 24 августдаги
20/7-сон қарорига
илова

**Банк хизматлари истеъмолчилари билан ўзаро муносабатларни
амалга оширишда тижорат банкларининг фаолиятига қўйиладиган
минимал талаблар тўғрисидаги низомга киритилаётган
ўзгартириш ва қўшимчалар**

1. Қўйидаги мазмундаги 18¹-банд билан тўлдирилсин:

“18¹. Банклар ўзларининг расмий веб-сайтларида жисмоний шахсларга мўлжалланган кредитларнинг (микроқарзларнинг) тўлиқ қийматини мустақил ҳисоблаб чиқиш имкониятини яратиб беришлари лозим.”.

2. 27-банднинг тўртинчи хатбоиси қўйидаги таҳрирда баён этилсин:

“фоиз ставкасининг йиллик номинал қиймати, шунингдек истеъмолчи-жисмоний шахслар мурожаат қилган санадаги кредитнинг тўлиқ қиймати. Бунда жисмоний шахсларга ажратиладиган кредитларнинг (микроқарзларнинг) тўлиқ қийматини ҳисоблаш мазкур Низомнинг 1-иловасига мувофиқ тартибда амалга оширилади;”.

3. 30¹-банд қўйидаги таҳрирда баён этилсин:

“30¹. Истеъмолчи-жисмоний шахс кредит олиш ёки омонат ҳисобвараги очиш учун банка мурожаат қилганида (банк биносига истеъмолчи ташриф буюрганда) банк мазкур Низомнинг 2-иловасига мувофиқ кредитнинг ҳамда 3-иловасига мувофиқ муддатли омонатнинг асосий шартлари тўғрисидаги ахборот варақасини (бундан буён матнда Ахборот варақаси деб юритилади) истеъмолчи - жисмоний шахс билан биргалиқда тўлдиради ва истеъмолчи - жисмоний шахсга тақдим этади.

Банк ўзининг расмий веб-сайтида истеъмолчиларга тақдим этилаётган омонат ва кредит маҳсулотлари бўйича Ахборот варақасининг интерактив шаклини мустақил равища тўлдириш ва ундан нусха олиш имкониятини яратиб бериши лозим.

Ахборот варақаси истеъмолчи - жисмоний шахсга бепул тарзда тақдим этилади ва кредит олиш ёки омонат ҳисобвараги очиш учун буюрманома ҳисбланмайди.

Ушбу банднинг талаблари микроқарз муносабатларига ҳам қўлланади.”.

4. 36⁶-бандда:

учинчи хатбоидан “шарт.” деган сўз чиқарib ташлансин;

қўйидаги мазмундаги тўртинчи хатбоши билан тўлдирилсин:

“истеъмолчи - жисмоний шахслар билан тузилган кредит шартномасида кредитнинг тўлиқ қиймати миқдорини кўрсатиши шарт. Бунда кредитнинг тўлиқ қиймати миқдори шартноманинг биринчи варагининг ўнг юқори бурчагида, квадрат шаклдаги рамка ичига, оқ фонда қора ранг билан, “Times New Roman” 14 ўлчамли шрифтдан кам бўлмаган ёки шунга ўхшаш шрифтни қўллаган ҳолда, ракам ва сўзлар билан ёзилади.”.

5. Илова мазкур ўзгартириш ва қўшимчаларнинг 1-иловасига мувофиқ таҳрирда баён этилсин.

6. Мазкур ўзгартериш ва қўшимчаларнинг 2 ва 3-иловаларига мувофиқ таҳрирдаги 2 ва 3-иловалар билан тўлдирилсин.

Банк хизматлари истеъмолчилари билан ўзаро муносабатларни амалга оширишда тижорат банкларининг фаолиятига қўйиладиган минимал талаблар тўғрисидаги низомга киритилаётган ўзгартериш ва қўшимчаларга 1-илова

“Банк хизматлари истеъмолчилари билан ўзаро муносабатларни амалга оширишда тижорат банкларининг фаолиятига қўйиладиган минимал талаблар тўғрисида”ти Низомга 1-илова

Кредитнинг (микроқарзнинг) тўлиқ қийматини ҳисоблаш ТАРТИБИ

Мазкур Тартиб жисмоний шахслар – истеъмолчиларга (бундан буён матнда “қарз оловчилар” деб юритилиди) ажратилган кредитларнинг (микроқарзларнинг) тўлиқ қийматини ҳисоблаш тартибини белгилайди.

1. Мазкур Тартибда қўйидаги асосий тушунчалардан фойдаланилади:

кредитнинг (микроқарзнинг) тўлиқ қиймати (бундан буён матнда “КТК” деб юритилиди) – кредит (микроқарз) олиш билан боғлиқ тўловларнинг ҳаққоний, йиллик ва самарали ҳисоблашдаги фоиз ставкаси;

кредит (микроқарз) шартномаси – банк томонидан қарз оловчига пул маблағларини тўловлилиқ, муддатлилик ва қайтаришлилик шартлари асосида бериш ҳақидаги банк ва қарз оловчи ўртасидаги келишув.

2. КТКни ҳисоблаб чиқища қарз оловчининг қўйидаги тўловлари ҳисобга олинади:

а) асосий қарз ва фоизлар бўйича тўловлар;

б) банк фойдасига амалга ошириладиган тўловлар, агар бундай тўловлар кредит (микроқарз) шартномаси шартларига мувофиқ қарз оловчининг мажбуриятларига кирса ва/ёки кредит (микроқарз) ажратилиши бундай тўловларнинг амалга оширилишига боғлиқ бўлса;

в) учинчи шахслар фойдасига амалга ошириладиган тўловлар, агар бундай тўловлар кредит (микроқарз) шартномаси шартларига мувофиқ қарз оловчининг мажбуриятларига кирса, шу жумладан:

сугурта ташкилоти фойдасига амалга ошириладиган тўловлар, агар сугурта шартномаси бўйича сугурта ҳодисаси юзага келган тақдирда наф оловчи бўлиб банк ҳисоблансан;

қарз оловчининг мажбуриятлари таъминотига қабул қилинган ва гаровга қўючининг ихтиёрида қоладиган гаров предметини гаров шартномаси бўйича сугурта қилишда қарз оловчи томонидан сугурта ташкилотининг фойдасига амалга ошириладиган тўловлар;

қарз оловчи томонидан кафолат (кафиллик) олиш учун кафолат берувчига (кафилга), шунингдек гаровга топширилаётган мулкни баҳолаш учун баҳоловчи ташкилотга тўланадиган тўловлар;

мижозларни жалб қилиш, улар томонидан кредит (микроқарз) олиш учун тақдим этилган хужжатларни текшириш, ушбу хужжатларни банкка топшириш, кредитларни (микроқарзларни) қоплаш ҳисобига банк мижозларидан тўловлар ва пул ўтказмаларини қабул қилиш бўйича банкка

хизмат күрсатадиган ташкилотлар (воситачилар) ҳисобига амалга оширилган түловлар.

Банк томонидан КТҚ күрсаткичининг ҳисоб-китоби кредит (микроқарз) шартномаси муддати тугағунга қадар мазкур бандда назарда тутилган барча түловларни ҳисобга олган ҳолда амалга оширилади.

3. КТҚ ҳисоб-китобига қуидагилар киритилмайди:

а) қарз олувчининг учинчи шахслар фойдасига амалга оширадиган түловлари, мазкур Тартибининг 2-бандида күрсатилган түловлар бундан мустасно;

б) бажариш мажбурияти кредит (микроқарз) шартномаси шартларидан эмас, балки қонунчиллик талабларидан келиб чиқадиган, қарз олувчи томонидан амалга оширилиши лозим бўлган түловлар;

в) қарз олувчининг кредит (микроқарз) шартномаси шартларини бажармаслиги ёки лозим даражада бажармаслиги билан боғлиқ түловлар, шу жумладан неустойка ва/ёки шартномада назарда тутилган бошқа түловлар;

г) банк пластик карталаридан фойдаланган ҳолда ажратилган кредитлар (микроқарзлар) бўйича түловлар, хусусан:

банк картасини чиқариш билан боғлиқ комиссиялар;

банк картасига хизмат күрсатиш билан боғлиқ комиссиялар;

банк ва/ёки тўлов ташкилотлари мобил иловаси, банкоматлари ва инфокиосклари орқали кредит тўловлари амалга оширилганда ундириладиган комиссиялар;

кредит (микроқарз) суммаларини банкоматлардан фойдаланган ҳолда нақд пулда олганлиги учун тўланадиган комиссиялар.

4. Банклар қуидаги ҳолларда КТҚни ҳисоблаб чиқишилари шарт:

а) қарз олувчилар билан кредит (микроқарз) шартномаси тузилганда;

б) кредит (микроқарз) олиш истагини билдирган қарз олувчиларга кредит (микроқарз) олиш шартлари ҳақидаги маълумотларни тақдим этиш вақтида. Агар маълумотлар тақдим этиш вақтида мазкур Тартибининг 2-бандида назарда тутилган айрим тўловлар миқдорини аниқлаш имкони бўлмаса, у ҳолда банк томонидан унга маълум бўлган шу турдаги тўловларга амал қилиши ҳамда кредит (микроқарз) олиш истагини билдирган қарз олувчиларга шу тўловларнинг манбаларини ошкор қилиши лозим (масалан, КТҚни ҳисоблашда тарифларидан фойдаланилган сұғурта компаниясининг номи ва бошқалар).

5. КТҚни ҳисоблашда қарз олувчининг кредит (микроқарз) бўйича амалга ошириб бўлган тўловлари улар ҳақиқатда тўланган вақтда, келажакда амалга оширадиган тўловлари эса" кредит (микроқарз) шартномаси тузилган санада маълум бўлган кредит (микроқарз) ажратиш шартларига асосан тўловларни тўлаш жадвали бўйича ҳисобга олинади.

Агар гаров предметини сұғурталаниши кредит (микроқарз) шартномаси тузилган санадан кейин амалга ошириладиган бўлса, у ҳолда банк қарз олувчидан сұғурта компаниясига амалга оширилиши мўлжалланаётган тўлов суммасини аниқлаши ва шу суммадан келиб чиқсан ҳолда КТҚни ҳисоблаб чиқиши шарт.

6. Кредитнинг тўлиқ қийматини ҳисоблашда қуидаги шартлар ҳисобга олинади:

а) агар кредит (микроқарз) шартномасига мувофиқ" истеъмолчи кредит (микроқарз) маблағларини қисмларга бўлиб олиши ёки кредит (микроқарз) олиш вақтини танлаш мумкинлиги

назарда тутилган бўлса, унда кредит (микроқарз) суммаси истеъмолчига кредит (микроқарз) шартномасини тузиш вақтида тўлиқ ўтказилган деб ҳисобланади;

б) кредит (микроқарз) олиш истагини билдирган қарз олувчиликага кредит (микроқарз) олиш шартлари ҳақидаги маълумотларни тақдим этиш вақтида, кредитнинг тўлиқ қиймати таркибидаги суғурта харажатларини ҳисоблашда суғурта ташкилотларининг жорий даврда амалда бўлган ставка ва мукофот миқдорларидан энг юқориси олинади. Шунингдек, истеъмолчилар келгусида суғурта ташкилотларининг ставка ва мукофот миқдорлари ўзгариши эҳтимоли кредитнинг тўлиқ қийматига таъсир кўрсатиши мумкинлиги тўғрисида хабардор қилинишлари шарт.

7. Агар кредитнинг (микроқарзнинг) фоиз ставкаси базавий кўрсаткичларга (Марказий банкнинг асосий ставкаси, инфляция даражаси ва бошқалар) боғланган бўлса, у ҳолда банк КТҚни ҳисоблашда шу кундаги базавий кўрсаткичларнинг миқдоридан фойдаланади.

8. Банклар КТҚни дастурий воситалардан фойдаланган ҳолда ҳисоблайди.

КТҚ қуидаги формула асосида ҳисобланади:

$$S = \sum_{i=1}^m \frac{P_i}{(1 + APR)^{t_i / 365}} \quad \text{бунда,}$$

S – кредитор томонидан қарздорга ажратиладиган кредитнинг (микроқарзнинг) суммаси;

P_i – мижознинг кредитни (микроқарзни) сўндириш учун йўналтирадиган навбатдаги тўлов суммаси; (P_i кредитни сўндириши графикидаги пул оқимларини англатади)

APR – кредитнинг (микроқарзнинг) тўлиқ қиймати (КТҚ);

m – мижознинг кредитни (микроқарзни) сўндириш учун йўналтирадиган тўловлари сони;

(Масалан, истеъмолчи кредит (микроқарз)ни 3 йил давомида ҳар ойда бир марта сўндириб борса, m – 36 га менг бўлади)

t_i – мижознинг кредитни (микроқарзни) сўндириш учун йўналтирадиган навбатдаги тўловининг тартиб рақами;

(Масалан, кредитни сўндириши графикига асосан истеъмолчи ҳар ой сўндириб борса ва жорий тўлови 5-чи ойга тўғри келса, $i-5$ га менг бўлади)

t_i – кредит (микроқарз) ажратилган кундан бошлаб мижоз томонидан сўндириш учун йўналтириладиган навбатдаги тўловгага қадар бўлган муддат (кунларда).

(Агар истеъмолчи ҳар ой сўндирилиб бориладиган кредит (микроқарз) бўйича 5-чи ой учун тўлов қилиши керак бўлса $t_5 - 150$ кунни ташкил этади)

9. КТҚни ҳисоблашда вергулдан кейин бир белгигача яхлит қилиб ҳисобланади. Агар вергулдан кейинги иккинчи белги "5" га менг ва ундан юқори бўлса, у ҳолда вергулдан кейинги биринчи белги бир бирликка оширилади. Масалан, КТҚ кўрсаткичи 18,66 ни ташкил қилди. У яхлит қилиб ҳисоблангач - 18,7 ҳосил бўлади.

10. Банклар истеъмолчи - жисмоний шахсга унинг талабига кўра КТҚ миқдори тўғрисидаги маълумот билан бирга" кредит (микроқарз) шартномаси тузиш пайтида унинг мутлақ қийматини, яъни кредитнинг (микроқарзнинг) асосий қиймати, фоизлари ва бошқа тўловлар, шу жумладан амалдаги таърифлар бўйича учинчи шахс фойдасига тўланадиган тўловларни, агар бундай тўловлар истеъмолчи

- жисмоний шахснинг мажбурияти бўйича шартнома шартларидан келиб чиқадиган бўлса, уларни алоҳида кўрсатган ҳолда ёзма маълумот тақдим этади.

11. Банклар оммавий ахборот воситалари орқали кредит (микроқарз) тўғрисидаги маълумотларни эълон қилгандаридан, ушбу эълонда банкка мурожаат этилганида мижозларга кредит (микроқарз) олиш билан боғлиқ КТҚни ҳисоблаб берилиши ҳакида ахборот беришлари лозим.

Банк хизматлари истеъмолчилари билан ўзаро муносабатларни амалга оширишда тижорат банкларининг фаолиятига қўйиладиган минимал талаблар тўғрисида низомга киритилаётган ўзгартириш ва қўшимчаларга
2-илова

“Банк хизматлари истеъмолчилари билан ўзаро муносабатларни амалга оширишда тижорат банкларининг фаолиятига қўйиладиган минимал талаблар тўғрисида”ги низомга
2-илова

Кредитнинг асосий шартлари тўғрисидаги ахборот

ВАРАҚАСИ*

Тижорат банкининг номи, расмий веб-сайти, телефон рақамлари	
--	--

1-бўлим. Кредит бўйича маълумотлар

1. Кредитнинг тури	
2. Кредитнинг максади	
3. Кредитнинг миқдори	
4. Кредитдан фойдаланиш муддати	
5. Кредитдан фойдаланиш муддати давомидаги фоиз ставкаси (<i>номинал миқдорда</i>) ва ушбу фоиз миқдори бўйича тўланиши лозим бўлган сумма	<i>(фоиз кўринилишида)</i> <i>(кредитнинг тўлиқ муддатига нуя кўринилишида)</i>
6. Кредитнинг тўлиқ фойдаланиш муддати давомида тўланадиган жами сумма	<i>(кредитнинг миқдори)</i> + <i>(ҳисобланадиган фоизлар)</i> = <i>(жами тўланадиган сумма)</i>
7. Кредитнинг имтиёзли даври (<i>агар мавжуд бўлса</i>)	

8. Тўловларнинг даврийлиги (ҳар ойда, ҳар чоракда ва ҳ.к.)	
9. Кредитни сўндириш усули (аннуитет усулида (төнг миқдорларда), дифференциал усулида)	
10. Тўловларнинг даврида бир марталик тўлов суммаси: аннуитет усулида дифференциал усулида	 (оралиқ тўловларидан энг кўп миқдордаги тўлов)
11. Кредитни ажратиш шакли (маҳсулот/хизмат таъминотчиси ҳисобварагига пул ўтказиши, нақд пул, банк картасига ўтказиши, ва ҳ.к.)	
12. Кредит билан боғлик қўшимча харажатлар, жумладан (агар бундай харажатлар мавжуд бўлса):	(кредитнинг тўлиқ муддатига пул кўрининшида, жами)
- Турлари бўйича банкнинг комиссия ва йигимлари (алоҳида кўрсатилсин)	(кредитнинг тўлиқ муддатига пул кўрининшида)
- учинчи шахслар хизмати (алоҳида кўрсатилсин)	(кредитнинг тўлиқ муддатига пул кўрининшида)
13. Кредитнинг тўлиқ киймати (номинал фоиз ставкасини ва кредитга хизмат кўрсатилиши харажатларини ўз ичига олади)	
14. Кредит олиш бўйича тақдим қилинган аризани кўриб чиқиш муддати	

2-бўлим. Бошқа молиявий мажбуриятлар билан боғлиқ муҳим шартлар

1. Кредит бўйича қарздорлик ўз вақтида сўндирилмаганлиги учун шартномада кўзда тутилаётган тўлаши лозим бўлган неустойка (жарима, пеня) (агар бундай шарт мавжуд бўлса)	(фоиз ёки қатъий белгиланган сумма кўрсатилади, шунингдек неустойка (жарима, пеня) ҳисоблаши учун асос бўлувчи шартнома шартлари келтирилади)
2. Кредит бўйича қарздорлик ўз вақтида сўндирилмаганлиги учун кредит суммасидан тўланадиган оширилган фоиз ставкаси микдори (агар бундай шарт мавжуд бўлса)	(фоизда)
3. Кредитнинг таъминоти (таъминот предметига қўйиладиган минимал талаблар, гаровнинг минимал қиймати)	

Кредит олишга рози бўлишдан олдин дикқат билан ўрганиб чиқинг!

Сиз кредитнинг шартлари ва қиймати тўғрисида, тўловлар ва ҳисоб-китоблар тартиби тўғрисида (фоизлар, жарима ва пенялар), кредит шартномаси бўйича Сизнинг хукуқларингиз ва мажбуриятларингиз тўғрисида, кредит шартномаси бўйича юзага келиши мумкин бўлган хатарлар ва жавобгарликлар тўғрисида, шунингдек Сизга тушунарсиз бўлган бошқа масалалар юзасидан банкдан тўлиқ ва батафсил маълумот олишга ҳақлисиз.

Агар Сизда шикоятлар мавжуд бўлса, у ҳолда Сиз мурожаатингизни (*телефон рақами кўрсатилади*) рақамли телефонга ёки (*банкнинг почта манзили кўрсатилади*) манзилга ёки (*банкнинг электрон почтаси манзили кўрсатилади*) электрон манзилга жўнатишингиз мумкин.

**АХБОРОТ ВАРАҚАСИННИГ ТЎҒРИЛИГИ
ВА ҲАҚИҚИЙЛИГИ ТАСДИҚЛАНАДИ.**

(банк мутахассисининг Ф.И.Ш. ва лавозими)

тўлдирилган сана

* Мазкур варақа кредит шартномаси ёки кредит олии учун буюртманома ўрнини босмайди, аксинча турли банкларнинг кредитлаш шартларини таққослашга ва керакли танловни амалга оширишига ёрдам беради.

Банк хизматлари истеъмолчилари билан ўзаро муносабатларни амалга оширишда тижорат банкларининг фаолиятига қўйиладиган минимал талаблар тўғрисида низомга киритилаётган ўзгартириш ва қўшимчаларга
З-илова

“Банк хизматлари истеъмолчилари билан ўзаро муносабатларни амалга оширишда тижорат банкларининг фаолиятига қўйиладиган минимал талаблар тўғрисида”ги низомга
З-илова

Муддатли омонатнинг асосий шартлари тўғрисидаги ахборот

ВАРАҚАСИ*

Тижорат банкининг номи, расмий веб-сайти, телефон рақамлари	
---	--

1-бўлим. Омонатнинг асосий шартлари

1. Омонат номи	
2. Омонатнинг валютаси	
3. Омонат бўйича йиллик фоиз ставкаси <i>(агар омонат бўйича йиллик фоиз ставкаси дифференциаллашган ёки омонатни расмийлаштириши усулига боғлиқ бўлса, ҳар бури алоҳида кўрсатилади)</i>	
4. Омонат бўйича ҳисобланган фоизларни капитализацияси мавжудлиги (ҳисобланган фоизни асосий маблагга қўшиб қайта фоиз ҳисоблаши)	
5. Омонатнинг муддати	
6. Омонатга қўйиладиган маблагнинг энг кам миқдори (агар мавжуд бўлса)	
7. Омонат бўйича фоизларни тўлаш даврийлиги	
8. Омонатни расмийлаштириш усули <i>(онлайн ёки банкка ташриф бўюриши орқали)</i>	
9. Қўшимча маблағ киритиш имконияти	
10. Автоузайтириш (омонат муддати тугаганда омонат муддатини банк томонидан бир томонлама узайтириши)	

11. Бошқа шартлар

2-бўлим. Бошқа муҳим шартлар

1. Омонатга қўйилган пул маблағларини омонат муддати тугагунга қадар қисман ечиб олиш имкониятининг мавжудлиги	
2. Омонат шартномасини муддатидан олдин бекор қилиш тартиби	

Омонат қўйишга рози бўлишдан олдин дикқат билан ўрганиб чиқинг!

Сиз омонатнинг шартлари, омонат бўйича фоиз даромадлари ва ҳисоб-китоблар тартиби тўғрисида, шунингдек ҳукуқларингиз ва мажбуриятларингиз, Сизга тушунарсиз бўлган бошқа масалалар юзасидан банқдан тўлиқ ва батафсил маълумот олишга ҳақлисиз.

Агар Сизда шикоятлар мавжуд бўлса, у холда Сиз мурожаатингизни (*телефон рақами кўрсатилади*) рақамли телефонга ёки (*банкнинг почта манзили кўрсатилади*) манзилга ёки (*банкнинг электрон почтаси манзили кўрсатилади*) электрон манзилга жўнатишингиз мумкин.

АХБОРОТ ВАРАҚАСИННИГ ТЎҒРИЛИГИ
ВА ҲАҚИҚИЙЛИГИ ТАСДИҚЛАНАДИ.

(банк мутахассисининг Ф.И.Ш. ва лавозими)

тўлдирилган сана

* Мазкур варақа омонат шартномаси ёки омонат олиси учун буюртманома ўрнини босмайди, аксинча турли банкларнинг омонат шартларини тақъослашга ва керакли танловни амалга оширишига ёрдам беради.